



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-37- 43190-109/19
Sarajevo, 27.12.2019. godine

SKUPŠTINA KANTONA SARAJEVO
-Služba za Skupštinske poslove-

PREDMET: Odgovor na zastupničko pitanje

Zastupnik Zvonko Marić na 16. Radnoj sjednici Skupštine Kantona Sarajevo, održanoj dana 11.12.2019.godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavio je sljedeće zastupničko pitanje:

"Molim sve subjekte koji su zaduženi za provedbu PLANA INTERVENTNIH-I MJERA U SLUČAJEVIMA PREKOMJERNE ZAGAĐENOSTI ZRAKA U KANTONU SARAJEVO (Službene novine KS 44/19) da me obavijeste o poduzetim aktivnostima tokom epizoda "pripravnost" i "upozorenje" koje je trajalo od 06.12.2019. do 09.12.2019."

U vezi sa postavljenim zastupničkim pitanjem, Ministarstvo zdravstva Kantona Sarajevo dostavlja sljedeći

ODGOVOR

Planom interventnih mjera u slučaju prekomjerne zagađenosti zraka u Kantonu Sarajevo, usvojenim na 45. sjednici Vlade Kantona Sarajevo održanoj 31.10.2019.godine ("Službene novine Kantona Sarajevo", broj 44/19) definisane su obaveze Ministarstva zdravstva Kantona Sarajevo u sva tri nivoa epizoda zagađenosti zraka u Kantonu Sarajevo - pripravnost, upozorenje i uzbuna i to:

- Vršiti koordinaciju sa svim zdravstvenim organizacijama u slučajevima proglašenja bilo koje epizode zagađenosti zraka u Kantonu Sarajevo.
- Daje preporuke za uslove rada i zaštitu zaposlenika na otvorenom u epizodama povišenih koncentracija lebdećih čestica.
- Daje preporuke rizičnim grupama stanovništva u slučajevima prekomjerne zagađenosti zraka u Kantonu Sarajevo putem JU Zavod za javno zdravstvo Kantona Sarajevo.
- Podnosi zahtjev za zabranu održavanja organizovanih sportskih i kulturnih aktivnosti na otvorenom prostoru, u cilju smanjenja kretanja i izlaganja stanovništva zagađujućim materijama Aktivnost se provodi u saradnji sa MUP-om Kantona Sarajevo u slučaju proglašenja epizode upozorenja i uzbune.

Slijedom utvrđenih obaveza, Ministarstvo zdravstva Kantona Sarajevo je sačinilo i dostavilo preporuke svim zdravstvenim ustanovama, odnosno svim ustanovama/preduzećima putem resornih ministarstava u Vladi Kantona Sarajevo radi upoznavanja sa istim, te pravovremenog planiranja i poduzimanja aktivnosti na realizaciji preporuka.



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1



Sačinjene su i dostavljene sljedeće preporuke:

- Zdravstvene preporuke rizičnim grupama stanovništva kod povećanih koncentracija zagađujućih materija u zraku u Kantonu Sarajevo sačinjene od strane Ministarstva zdravstva Kantona Sarajevo, Ministarstva prostornog uređenja, građenja i okoliša Kantona Sarajevo i JU Zavod za javno zdravstvo Kantona Sarajevo.
- Preventivne mjere zaštite i zdravstvene preporuke u slučaju aerozagađenja koje je sačinio JU Zavod za javno zdravstvo Kantona Sarajevo
- Preporuke za uslove rada i zaštitu zaposlenika na otvorenom u epizodama povišenih koncentracija lebdećih čestica.

Sve preporuke su dostupne na web stranici Ministarstva zdravstva Kantona Sarajevo.

Od zdravstvenih ustanova sa područja Kantona Sarajevo je traženo da objave preporuke za stanovništvo na svojim web stranicama, te da štampani primjerci budu dostupni stanovništvu na vidnim mjestima, kako bi se stanovništvo pravovremeno informisalo, te spriječilo oboljevanje ili daljnje pogoršanje postojećih bolesti.

Također, traženo je da sve zdravstvene ustanove dostave izvještaje o poduzetim aktivnostima u slučaju proglašenja bilo koje od epizoda zagađenja. Izvještaji zdravstvenih ustanova se redovno zaprimaju u Ministarstvu zdravstva Kantona Sarajevo.

Pored navedenog, Ministarstvo zdravstva Kantona Sarajevo je dalo saglasnost na dostavljeni Plan realizacije Projekta observacione studije prevalence plućnih opstruktivnih bolesti kao posljedica visokih koncentracija polutanata u zraku u Kantonu Sarajevo, zacrtanog mjerama Kantonalnog plana zaštite okoliša Kantona Sarajevo, za period 2019.-2020.godina, a koji se planira provesti od strane JU Zavod za javno zdravstvo Kantona Sarajevo u saradnji sa JU Dom zdravlja Kantona Sarajevo.

S poštovanjem,

Pripremila, Prim.mr.ph. Edina Stević,
Kontrolisale:
dr. Alma Kadić, Pomoćnica Ministricé
Amra Isić, dipl. iure, Sekretar Ministarstva



MINISTRICA

Prof. dr. sci. med. Amela Sofić



DOSTAVLJENO:

1. Naslovu
2. a/a



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1

